

NAU NUNUWAME KE'ESAM KONSULTATA YA'A BETCHI'IBO, KAA UTTEATA JOORIAWAPO INTO TU'ISI LUTU'URIATA MAKRIPO LUULA JU BATO'ORA OUSAILA LOPOJO'ARAMPO JO'AAKAME BETCHI'IBO WAKA NANANCHA EIYAWAMTA BO'OJORIANA BETCHI'IBO REGIDURÍAS ÉTNICAS TI TEAKAMTA BETANA AYUNTAMIENTOMPO MUNISIPIOM LOPOJO'ARAM OUSAILAM JO'AKAPO JIPUEME SONORA EJTAOPO.

Ju Instituto Estatal Electoral y de Participación Ciudadana de Sonora (IEEyPC) bato'orata nunu, ya'ura ousailam betana, kobanaom into si'ime puepplom belle'ekatana jita tekiapo emo uju'ume jum Sonora ejtaopo betana, inime beja yoyyo'owemtune juka ke'esam konsultata ya'ana betchi'ibo, kaa utteata jooriawapo into tu'isi lutu'uriata makripo luula, juka jaisa bem a mammattepo ju'uneiya betchi'ibo waka nanancha eiyawamta jachinsa bo'ojoriana betana etejowamta regidurías étnicas ti teuwawamta betana jum ayuntamientompo munisiipiom lopojo'aram ousailam jo'aakapo jipueme Sonora ejtaopo. Inime taewaim into jaisa ya'anapo mammattena:

• **Juka ya'abawamta tu'isi ju'uneiyanawame** (wojmammetta 16po wojmamwepulmetta 14u tajtia 2023po).

Jume ousailam, kobanaom, puepplom belle'ekatana jita tekiapo emo uju'ume into watemmeu bat ja'abwékame a ju'uneiyanawame inika nau nunuwamta betana juka jitas a bo'ojoa'u, ini juka jaisa a ya'anamta etejo tu'isi yeu a yuma'aria betchi'ibo nanancha eiyawamta betana regidurías étnicas ti teakamta yeu puawamta betana, juka kobanamyawata into nau a etejowamta naate betchi'ibo.

• **Aet kobanamyawame** (wojmamwepulmetta 15po 21u tajtia 2023po).

Jume lopojo'aram ameu nattemaiwaka'u, kobanaommet o jita tekiapo emo uju'umet luula, inien ket jume ousailam wewe'epulaikai beja taewaim makna juka inim teuwawamta kobanamyawame betchi'ibo, inien beja juka bem jaisa a mammattepo ju'uneiyanawame beja juka ya'anamta nau yecha'ane.

• **Nau a etejowame** (wojmamwepulmetta 22po 30u tajtia 2023po).

Ju IEEyPC into ju bato'ora nau a etejone, lopojo'aram ousailam jo'aakapo, nau emo tojaka a etejona betchi'ibo; into junaen beja woobusan taewaim makna, inime taewaimpo beja ju IEEyPC juka jaisa a mammattepo, propuejta, jaisa aa ayuwamta, o ae betana mammattepo jum nau a etejowa'apo yeu simlata mabetsimne, o nattepola ya'arita.

• **Ju kaa nanau mammattepo aet kobanamyawame** (wojmamwepulmetta 20po 26u tajtia 2023po).

Ju IEEyPC juka nau e'etejowamta betana jum nau yaajiwa'apo tu'isi a kobanamyawame, into ket juka jaisa nau tu'isi a yecha'ana betana, inime beja inime taewaim into teebachimpo yaana:

Taewai	Teebat	Lopojo'aram nattemaiwaka'apo
22/11/2023	Hermosillo (Punta Chueca)	Konkaak (Seri) y Kickapoo (kikapú)
24/11/2023	Cajeme	Hiak (Yaqui) y O'ob (Pima)
26/11/2023	Navojoa	Yorem Mayo (Mayo) y Macurawe (Guarijio)
29/11/2023	Caborca	Kuapá (Cucapá), Tohono o'otham y Apache Lipan (Apaches chiricahua, coyotero)

• **Ju tu'isi nau etejowamta nau yecha'awakame** (lu'umetta 11po tajtia 2023po).

Ju Consejo General del IEEyPC juka Nau Yecha'awakamta lutu'uria ya'ane inien beja mabetna ju jaisa yaana nanancha eiyawamta betana jum regidurías étnicas ti teakamta betana, ini beja ket be'eo a ju'uneiyanawame si'ime lopojo'aram belle'ekatana.

Inie betana em ju'uneiyanawame'u inim yeu maachi www.ieesonora.org.mx

Hermosillo, Sonora. 09 de octubre de 2023

